

Bewegte Lieder

Törli

Mir mached äs Törli und wartet uf Dich
Mir mached äs Törli und wartet uf Dich
Ä langi Schlangä vo *Chline* und *Grosse chunt* jetzt -
Mir mached äs Törli und packed jetzt Dich.

- *Buebe und Meitli*



Zwei Meiteli

Zwei Meiteli gönd go Wasser hole,
zwei Büebeli
Gönd go pumpe,
do luegd än Maa zum Feischter uus,
guete Tag ihr liebä Stumpe.

Fuess.... (C-A-FF-EE..)

Fuess, Chnü - Oberschänkel
Fudi, Buch - und uf dä Chopf
Alli Chinde hebet ihri Chnü
Zelled luut - 1 - 2 - 3
Gwaggled dänn uf und ab
Mached no tap-tap-tap.

Fuess, Chnü - Oberschänkel
Fudi, Buch - und uf dä Chopf
Alli Chinde hebet ihri Chnü
Zelled luut - 1 - 2 - 3
Gwaggled dänn hin und här
Klatsched: das isch nüd schwär



Fuess, Chnü - Oberschänkel
Fudi, Buch - und uf dä Chopf
Alli Chinde hebet ihri Chnü
Zelled luut - 1 - 2 - 3
Gwaggled dänn vor und zrugg
Gönd grad an aaafang zrugg.

Gump id Luft

Gang id Chnü und gump id Luft und dräh dich eimal um, ganz id Chnü und gump id Luft und dräh dich eimal um. (2x)
Schüttle d'Bei und wink dänn allne zue, schüttle d'Bei (2x) und wink dänn allne zue/und jetzt isch rueh (2x)

S'Bündeli uf äm Ruggä

S'Bündeli uf äm Ruggä, s'Stäckli i dä Hand, adie liebi
Muetter mir gönd is....

-Oepfel-Land

-Chriesi-Land

-Bananä-Land

-Birä-Land

(und am Schluss)....adie liebi Muetter mir werdet
Musikant!



De Hans im Schnäggeloch

De Hans im Schnäggeloch
hät alles, was er will.


Und was er will,

das hät er nöd

und was er hät,

das will er nöd.

De Hans im Schnäggeloch
hät alles, was er will.



Au immer gäbig..

Wänn i mis Gärtli gahn

Wänn i mis Gärtli gahn, will go Chrut usrupfä,
staht es chlises Mändli da, tuet mi alpod stuupfä.
Wänn i mis Chücheli gahn, will go's Süppli chochä,
staht äs chlises Mändli da, hät mer's Gschirr verbrochä.
Wänn i mis Stübli gahn, will go's Süppli ässä,
staht äs chlis Mändli da, hät mär alles gässä.
Wänn i mis Chämmerli gahn, will go's Bettli machä,
staht äs chlises Mändli da, macht mi grüslig z'lachä.



Busfahren

D'Redli am Bus gönd zringelum, zringelum, zringelum
D'Redli am Bus gönd zringelum, chum mir gönd id d'Stadt!

D'Türe vom Bus gönd uf und zue, uf und zue, uf und zue, D'Türe vom Bus gönd uf und zue, chum mir gönd id d'Stadt!

D'Schwiibewüscher machet wisch-wisch-wisch, wisch-wisch-wisch, wisch-wisch-wisch,

D'Schwiibewüscher machet wisch-wisch-wisch, chum mir gönd id d'Stadt!

Dä Buschauffeur hebts Stürredli, Stürredli, Stürredli,
dä Buschauffeur hebts Stürredli, chum mir gönd id d'Stadt!

„Aendstation“ seit dä Buschauffeur, dä Buschauffeur, dä Buschauffeuer,
„Aendstation“ seit dä Buschauffeur, mir winked alli „Tschüss“!

Pinguin (Schlieremer Chind - mir gönd in Zoo)

Tabedi-tap, tabedi-tap, tabedi-tap,....

Die Flügel won' er häd, sind z'chli zum flügä,
was für än Vogel sicher truurig isch,
au s'Laufä fallt im schwer mit sinä Plattfüess,
doch schwümmä chan er besser als än Fisch,
Ja, ja , was häd er ächt im Sinn, eusä chlini Pinguin?
Ja, ja, was häd er ächt im Sinn, eusä chlini Pinguin?
Tabedi-tap,.....

Öpfel-Schtückli


Öpfel, Öpfel Schtückli
alli Chind sind glückli,
alli Chind sind froh,
und mached grad äso:
klatschen, stampfen, winken, gumpen,.....

Lieder aus dem Alltag der Kinder

Tiere

Frau Bidere, Frau Badere

Frau Bidere, Frau Badere, was mached ihri Gäns? Si pfluderet, sie pfladeret, si wäschet ihri Schwänz.



Frau Bidere, Frau Badere,
was mached ihri Gäns? Si
spazieret, si spazieret, si
wäschet ihri Schwänz.

Frau Bidere, Frau Badere,
was mached ihri Gäns? Si watschled, si watschled,
si wäschet ihri Schwänz.

Frau Bidere, Frau Badere, was mached ihri Gäns?
Sie schwümmmed, si schwümmmed, sie wäschet ihri
Schwänz. usw.

Tiger im Urwald

Bald, bald, bald - gsehnd mir dä Tiger im Urwald,
bald, bald, bald - gsehnd mir dä Tiger im Urwald,
ja, ja, ja - d'Sunne strahlt än aa
ja, ja, ja - d'Sunne strahlt än aa
hot, hot, hot - gumpd dä Bach so flott
hot, hot, hot - gumpd dä Bach so flott
gschwind, gschwind gschwind - lueged ane Chind
gschwind, gschwind gschwind - lueged ane Chind
underem Bletterdach - häd er sich's gmüetlich
gmacht, underem Bletterdach - häd er sich's
gmüetlich gmacht.

Fröschlichor

Wer will luti Fröschli gseh,
muess gschwind zu eus an echo
quak, quak, quak, quak, quak quak
So tönts bi eus dä ganzi Tag.
quak, quak, quak, quak, quak quak
So tönts bi eus dä ganzi Tag.
und hät dä Schtorch die Fröschli gfunde
sind's dänn au grad schnäll verschwunde

quak, quak, quak, quak, quak quak
singets Fröschli wo no mag,
quak, quak, quak, quak, quak, quak,
singets Fröschli wo no mag.

und schint dä Mond für'd Fröschli Schar
tönt's dänn wieder wunderbar
quak, quak, quak, quak, quak quak
mir planget uf dä neui Tag
quak, quak, quak, quak, quak quak.
mir planget uf dä neui Tag.

Schaffe

Brumm-Brumm-Liedli

Es gad im Chreis rundum, es gad im Chreis rundum
Bärli und Auto mached Brumm, brumm, brumm,
Es gad im Chreis rundum, es gad im Chreis rundum
Bärli und Auto mached Brumm, brumm, brumm,
- und chunt än Stop - dänn gaht's nümm wiiter,
und Bärli wächsled uf die ander Siite.
Es gad im Chreis rundum, es gad im Chreis rundum
Bärli und Auto mached Brumm, brumm, brumm,

Es gad im Chreis rundum, es gad im Chreis rundum
Bärli und Auto mached Brumm, brumm, brumm,
- und irgendwänn, dä Tank isch leer, fahrt's Auto
hei und mit im grad dä Bär.

Schueh flickä

Tic-tac-tu,
Tic-tac-tu,
Tic-e-ti-tac-e-tic-e-ti-tac-e-ti
tic-tac-tu

Isch dä Herr Meier da? Ja er isch da.
Flickt er mini Schueh? Gärn wird er's tue.
Aes Negeli da, äs Negeli det, tic-tac-tu.
Tic-tac-tu....
Isch dä Herr Meier da? Ja er isch da.
Sind mini Schueh scho gflickt? Er häd mär gnickt.
Aes Negli da, äs Negli det, tic-tac-tu.

Versli und meh

Körperversli


Isch das äs chlines Häsl?
Nei das isch mis Näsli
Isch das äs lang Rohr?
Nei, das isch mis Ohr.
Isch das ein runde Schluuch?
Nei, das isch min Buuch.
Sind das feschi Stei?
Nei das sind mini Bei.
Und was sind das für Dinger?
Das sind ja mini Finger.
Und jetzt gisch mer dini Hand,
so tanzed mir durs ganzi Land.



Fingerversli Garten

Füf Brüedere hani gseh
De Erscht wüscht d'Bletter mit dem Bäse
De Zweit tuet d'Oepfel ufläse.
De Dritt tuet de Garte umestäche.
De Viert schaffet mit dem Rächä
Und de Chlinschi dä tuet Nüss abschüttle
Und a allne Bäumli rüttle.

Samichlaus-Ziit



Eschtli sueche

Eschtli sueche, Eschtli sueche
Eschtli hani gfunde
Bürdeli mache, Bürdeli mache
Bürdeli hani bunde
Für aazünde, Für aazünde
S'Fürli brännt mer a,
Samichlaus chasch ane sitze und Dich
wärme draa.



Mit dä Ziitig

Muus: S'Dach vom Huus (Z. aufstellen), im Chäller ä
Muus (Hand krabbelt unter Z.), und jetzt isch uus (Z.
ablegen/zusammenklappen)

Risse - rupfe - lache,
Ziitigslärme mache,
drucke, drucke, zämflicke
und dä Balle wiit furt spicke!

Schöfli

Äs weichs Fäll,
das wachst ganz schnäll
zerscht sind d'Löckli chlii
doch chunt än Schwung dänn drii
sind's Wullewällä glii.



Schäggli-Malvers

S'Schnäggä-Huus vom Schnäggli,
isch rund und hät kei Eggli,

und us eu-sem Schnäggä-Huus,
luegt ä chlises Schnäggli druus.

